



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1858

CDLXXVIII. Kurfürst Johann versöhnt die Stadt Stendal, welche Claus und Gebhard von Borgstall, Hans von Ghoren und Claus Knobloch gefangen und Claus von Borgstall und Hans von Ghoren hat hinrichten ...

Nutzungsbedingungen

[urn:nbn:de:hbz:466:1-54890](https://nbn-resolving.org/urn:nbn:de:hbz:466:1-54890)

CDLXXVIII. Kurfürst Johann versöhnt die Stadt Stendal, welche Claus und Gebhard von Borgstall, Hans von Ghoren und Claus Knobloch gefangen und Claus von Borgstall und Hans von Ghoren hat hinrichten lassen, mit deren Verwandten, am 6. September 1492.

Wir Johannes, von gots gnaden Marggraue zu Brandenburg etc., bekennen vnd thun kund öffentlich mit diesem briue vor vns, vnser Erben vnd Nachkommen Marggrauen zu Brandenburg vnd sunst vor allermenniglichen, die ihn sehen oder horen lesen, Als inn vergangen Jaren Claus vnd Gebhard von Borgstall, Hans von Ghoren vnd Claus Knobloch durch vnser liebe getrewen Burgermeister vnd Rathmann vnser Stad Steindall gefenglichen angenommen, gefazt vnd Claus van Borstall vnd Hanfen van Goren richten haben lassen; Derhalben die genanten van Steindall durch alle Borstall zu Schynn vnd Swartelofs, auch Jacob von Goren zu Narstede, ir vettern vater, vnd Claus Knobloch vor vnns vnd vnser Rethen rechtlichen angesprochen sind; Daz wir nach Verhörung der Sachen, als der Landfürst, auf der genanten partheien ihre zwietrechtig vnd irrig Hendel vollmechtiglich gefazt vnd gestalt, sie der ganz vnd gar gericht vnd entscheyden haben, Also dals die obgenanten von Borgstall, Gor vnd Knobloch, ir Erben vnd Fründe, geborne vnd vngeborne, gen den genanten Burgermeistern, Rhatmannen, Werken vnd ganze gemeyne vnser Stad Steindall vnd iren nachkomen lauth irer briefe vnd Siegel vns derhalben gegeben, desgleichen die obgenanten von Steindall gegen inen in arge weder mit der that noch mit recht, Worten oder werken, nit andern, fundern es soll zwischen inen vnd allen andern, so der sachen vnd Handlung verdacht oder verwant, auch mit der Claus von Borstelschen ein ganze gesünte gericht sach sein vnd bleyben, one alles geuerd. Zu urkund mit vnsern anhangenden Inßigel verligelt vnd geben zu Cölln an der Sprew, Donnirtags nach Egidii, Cristi gepurt virzehenhundert vnd in zwei vnd newenzigsten jare.

Nach dem Originale des Stendalschen Ratharchives No. 219.

CDLXIX. Kurfürst Johann bekundet, daß die Stadt Stendal sich wegen der in der vorstehenden Urkunde erwähnten Uebergriffe mit ihm gesühnt habe, am 6. September 1492.

Wir Johannes, van gods gnaden Marggraue zu Brannndburg, des heiligen Romischen Reichs Erzkamerer vnd Churfürste etc. —, bekennen öffentlichin mit dysem briue für vns, vnser erben vnd nachkomen Marggrauen zu Brannndburg vnd sunst vor ydermanniglich, Alsdem Borgermeister vnd Ratmann vnser Stat Stendall in vergangen tagen Claus von Borstall zu Swartelofs vnd Hanfen van Gohre, Jacob von Gohrs zu Narstede gefessen Son, vom leben zum tode haben verrichten vnd darneben Claws Knobloch vnd Gebhard von Borstall gefenklich sezen lassen, dy auf vnser beuelh fürder lossgegeben sind, derwegen wir sy auch mit alle den von Borstall vnd Jacob von Gohren, yren fründen vnd vater, nach lauth der brieue dar über aufgangen, zu grund verricht, das wes sy auch in solchen vornehmen vnd geschichten gen vns ver-